

ТОШКЕНТ ҲАҚИҚАТИ

1928 йил 11 декабрда асос солинган

Ёшларга оид давлат
сиёсати – амалда

ЎЗБЕКИСТОН ЁШЛАРИНИНГ ЯНГИ ТАШКИЛОТИ

Тошкентдаги Симпозиумлар саройида 30 июнь кuni Ўзбекистон "Камолот" ёшлар ижтимоий ҳаракатининг IV қурултойи бўлиб ўтди.

Анжуман дастури ранг-баранг тадбирларга бой бўлди. Қурултой делегатлари Ўзбек Миллий академик драма театрида "Тақдир синовлари" спектаклини томоша қилди. "Шахидлар хотираси" хиббони ва "Қатагон қурбонлари хотираси" музейи, Темурийлар тарихи давлат музейи, Ҳазрати Имом мажмуасини бориб кўрди. Ўзбекистон давлат жаҳон тиллари университети, Тошкент ахборот технологиялари касб-хунар коллежи, Яққасарой туманидаги 144-умумтаълим мактабиде яратилган шароитлар билан танишди. Ёшлар ижод саройида Олий Мажлис Қонунчилик палатаси депутатлари, Ўзбекистон Республикаси Фанлар академиясида академиклар ва ёш олимлар билан учрашди.

Қурултой делегатлари Мустақиллик майдонида ҳурриятимиз, порлоқ истиқболимиз ва эзгу ниятларимиз рамзи бўлган Мустақиллик ва эзгулик монументи пойига гуллар қўйди.

Симпозиумлар саройида "Камолот"нинг Қорақалпоғистон Республикаси, вилоятлар ва Тошкент шаҳар кенгашларида сайланган делегатлар жам бўлди. Қурултой кун тартибига қўйилган масалаларнинг долзарблигидан келиб чиқиб, унда қатнашиш учун Олий Мажлис Сенати аъзолари ва Қонунчилик палатаси депутатлари, ҳукумат аъзолари, вазирлик ва идоралар, жамоат ташкилотлари вакиллари, оммавий ахборот воситалари ходимлари тақлиф этилди. Шунингдек, видеоқонференция орқали Қорақалпоғистон Республикаси раҳбарияти, маҳаллий ҳокимликлар раҳбарлари, ҳудудлардаги ёшлар қатнашди.

"Камолот" ёшлар ижтимоий ҳаракатининг қурултойи очик, деб эълон қилинди.

Ўзбекистон Республикаси Давлат мадҳияси янгради.

Қурултойда Ўзбекистон Республикаси Президенти Шавкат Мирзиёев нутқ сўзлади.

Делегатлар "Камолот" ёшлар ижтимоий ҳаракати негизида Ўзбекистон ёшлар иттифоқини ташкил этиш тақлифини маъқуллади.

"Камолот" ёшлар ижтимоий ҳаракати Тошкент шаҳар кенгаши раиси ўринбосари Б. Мамадалиев, "Камолот" ёшлар ижтимоий ҳаракати Қорақалпоғистон Республикаси кенгаши раиси А. Данияров, Тошкент шаҳридаги Турин политехника университети магистранти О. Тўйчиев, "Result" ўқув маркази раҳбари А. Саъдуллаев, Алишер Навоий номидаги Тошкент давлат ўзбек тили ва адабиёти университети талабаси М. Раимқулова, Сирдарё вилоятидаги "Сарвиноз Собиржонова Файзи" фермер хўжалиги раҳбари С. Шокирова ва бошқалар Президентимиз Шавкат Мирзиёевга ёшларга қаратилаётган алоҳида эътибор учун миннатдорлик билдирди. Ўзбекистон ёшлар иттифоқи навқирон авлод орасига ҳуқуқ кириб борадиган муҳим институтга айланишини таъкидлади.

Ўзбекистон ёшлар иттифоқи марказий кенгаши раиси этиб Қаҳрамон Қуронбоев сайланди.

Ў.А.

ЖИСМОНИЙ ВА МАЪНАВИЙ ЕТУК ЁШЛАР — ЭЗГУ МАҚСАДЛАРИМИЗГА ЕТИШДА ТАЯНЧИМИЗ ВА СУЯНЧИМИЗДИР

Президент Шавкат Мирзиёевнинг "Камолот" ёшлар ижтимоий ҳаракатининг IV қурултойидаги нутқи

Қадрли анжуман иштирокчилари! Аввало, сиз, азизлар билан "Камолот" ёшлар ижтимоий ҳаракатининг IV қурултойида учрашиб турганимдан хурсанд эканимни билдириб, барчангизга ўзимнинг чуқур ҳурматим ва эзгу тилакларимни изҳор этишга рухсат бергайсиз.

Очигини айтганда, мен бугунги учрашувга қўлдан буён тайёргарлик қўриб келаётган эдим. Юртимиз ёшларининг муносиб вакиллари, эртанги кунимиз эгалари бўлган сиз, азиз ўғил-қизларимиз даврасида ёшимиз, лавозимдаги фарқларга эътибор бермасдан, ҳуддики сизлар билан тенг бўлиб, чин дилдан, самимий бир суҳбат қуришни анчадан бери орзу қилиб келар эдим.

Бугун сизларнинг қалбигиз, юрагингиздаги ўй-фикрлар, мақсад-муддаолар, керак бўлса, ушалмай турган ниятлар билан яқиндан танишиш, шу асосда ёшлар сиёсати бўйича олиб бораётган ишларимизни танқидий баҳолаб, тегишли қарорлар қабул қилишни мен ўз фалониятим учун гоёат муҳим деб ҳисоблайман.

Маълумки, ёш авлод тарбияси ҳамма замонларда ҳам муҳим ва долзарб аҳамиятга эга бўлиб келган. Аммо биз яшаётган XXI асрда бу масала ҳақиқатан ҳам ҳаёт-мамат масаласига айланиб бормоқда.

"Тарбия қанча мукамал бўлса, халқ шунча бахтли яшайди", дейди донишмандлар. Тарбия мукамал бўлиши учун эса бу масалада бўшлиқ пайдо бўлишига мутлақо йўл қўйиб бўлмайди.

Барчангизга аён, ҳозирги кунда дунё миқёсида бешафқат рақобат, қарама-қаршилиқ ва зиддиятлар тобора кескин тус олмақда.

Диний экстремизм, терроризм, гиёҳвандлик, одам савдоси, ноқонуний миграция, "оммавий маданият" каби хавфхатарлар кучайиб, одамзот асрлар давомида амал қилиб келган эътиқодлар, оилавий қадриятларга путур етказмоқда.

Мана шундай ва бошқа кўплаб таҳдидлар инсоният ҳаётида жиддий муаммоларни келтириб чиқараётгани – айна ҳақиқат ва буни ҳеч ким инкор этолмайди.

Бугунги учрашувимизда ана шу мураккаб вазиятни ҳисобга олган ҳолда, мамлакатимизда ёшларга оид давлат сиёсати қандай амалга ошириляпти, бу соҳада қандай муаммолар бор, уларни қандай ҳал қилишимиз керак, бу борада ёшлар ташкилотининг ўрни қандай бўлиши лозим, деган масалалар ҳақида атрофлича гаплашиб олсак, ўйлайманки, мақсадга мувофиқ бўлади.

Хурматли йиғилиш қатнашчилари! Бугунги кунда мамлакатимизда барча

соҳаларни модернизация қилиш ва янгилаш жараёни янги босқичда жадал олиб боришмоқда.

Ҳаёт талабларидан келиб чиқиб, юртимиздаги кўпгина давлат ва нодавлат ташкилотларининг фаолияти янада такомиллаштирилмоқда.

Шу нуктаи назардан қараганда, нафақат ёшларимиз, балки бутун халқимиз тақдирига дахлдор бўлган "Камолот" ёшлар ижтимоий ҳаракатининг бугунги кун ва эртанги истиқболи барчамизни ўйлантириши табиий.

Сизларга яхши маълум, бундан 16 йил олдин, яъни, 2001 йилда ташкил этилган "Камолот" ёшлар ижтимоий ҳаракати ўтган давр мобайнида ёшлар ҳаётига кириб бориб, уларнинг маълум бир қисmini ўз атрофида бириктиришга, ўз Дастури ва Устадида белгиланган мақсад ва вазифаларни имкон даражасида бажаришга ҳаракат қилиб келмоқда.

Ташкилот томонидан ёшларни ҳар тарафлама қўллаб-қувватлаш, ҳуқуқ ва манфаатларини ҳимоя қилиш, уларнинг ҳаётида ўз ўрнини эгаллашига қўмаклашиш бўйича бир қанча ихобий ишлар амалга оширилганини албатта эътироф этишимиз керак.

Айни вақтда таҳлиллар шуни кўрсатмоқдаки, моҳият эътибори билан ёшларнинг ҳақиқий таянчи ва суянчи бўлиши зарур бўлган "Камолот" ҳаракати фаолиятида жиддий камчилик ва нуқсонлар кўзга ташланмоқда.

Биринчидан, "Камолот" бутун Ўзбекистон ёшларини бириктирган, том маънодаги оммавий ҳаракатга айлана олмади. У, асосан, ўз атрофида Ҳаракат фаолиятига ҳайрихоҳ бўлган ёшларни уюштириб, фақат уларни қизиқтирган масалалар юзасидангина иш олиб борди.

Натижада, ёшларнинг кенг қатламларига тааллуқли бўлган долзарб масалалар, аввало, ёшларнинг бандлигини таъминлаш, уларни катта мақсадлар сари сафарбар этиш, уюшмаган ёшлар билан ишлаш, қисқача айтганда, ёшларнинг ҳуқуқ ва манфаатларини ҳимоя қилиш бўйича ўзини ҳақиқий ёшлар ташкилотли сифатида кўрсата олмади.

Маълумотларга кўра, ҳозирги вақтда "Камолот"нинг 4 миллионга яқин аъзоси бор. Бу мамлакатимиздаги 10 миллиондан зиёд йигит-қизларнинг 40 фоизини ташкил этади.

Бир қарашда, 4 миллион – салмоқли рақам бўлиб кўринади. Лекин ҳолисона айтганда, ташкилотга аъзолик кўп ҳолларда фақат қоғозда маъжуд, амалда эса аксарият аъзолар "Камолот" тўғрисида аниқ тасаввурга эга эмас, унинг мақсад ва вазифаларини билмайди, ўз етакчиларини танимайди, Ҳаракат фаолиятида иштирок этмайди.

Натижада, юртимиздаги минглаб ёшлар, айниқса, қишлоқ жойларда нафақат "Камолот"нинг, айна вақтда давлат ва жамиятнинг эътиборидан четда қолмоқда. Улар билан ҳеч ким деярли шугулланмапти, улар ўз ҳолига ташлаб қўйилган, десак, аниқ ҳақиқатни тан олган бўламиз.

Бунинг оқибатида уюшмаган, яъни, ишламайдиган, ўқимайдиган, тайин бир машғулотга эга бўлмаган, салбий таъсирларга берилувчи ёшлар сони ортиб бормоқда.

Ёшлар ўртасида жиноят содир этиш, диний экстремистик оқимларга, террорчи гуруҳларга қўшилиб қолиш ҳолатлари кўпайиб бораётгани қузатилмоқда.

2016 йилда ёшлар иштирокида 1 миллион 740 мингта яқин ҳуқуқбузарлик, 23 минг 440 та жиноят содир этилган, ёш оилалар ўртасида 8 мингдан ортиқ ажралиш ҳолати қайд этилган барчамизни жиддий ташвишга солиши керак.

Албатта, бу борада ҳамма айбни фақат "Камолот"га юклаб қўйиш адолатдан эмас. Бу масалада маҳаллий ҳокимликлар, ички ишлар бўлимлари, прокуратура, суд, маҳалла идораларининг ҳам айби бор.

Айни вақтда бу масалада ёшлар билан доимо ҳамнафас, ҳамфикр бўлиб яшаш, ишлаш керак бўлган "Камолот" ва унинг жойлардаги бўлиналарининг масъулияти кўпроқ, десак, тўғри бўлади.

"Камолот" фаолиятидаги бундай камчиликларнинг, албатта, объектив ва субъектив сабаблари бор.

Объектив сабаблар шундан иборатки, биз ўз вақтида "Камолот"ни жамоат ташкилотли сифатида тузиб, лекин ундан катта бир вазирлик вазифасини талаб қила бошладик. Унга жуда кенг, улкан вазифаларни топширдиг-у, аммо уларни бажариш учун зарур ҳуқуқий ва амалий ваколатлар, тегишли имконият ва имтиёзлар яратиб бериш ҳақида, афсуски, етарлича бош қотирмадик.

Оқибатда "Камолот" ёшлар ҳаёти билан боғлиқ ҳамма нарсасга жавоб берадиган ва айна пайтда ҳеч нарсасга жавоб бермайдиган, мўрт ва заиф бир тузилмага айланиб қолганини бугун қанчалик огир бўлмасин, эътироф этишимиз керак.

"Камолот" фаолиятига салбий таъсир кўрсатаётган субъектив сабаблар ҳақида гапирганда, унинг аксарият раҳбарлари ва ходимлари томонидан ишга расмийчилик билан, юзаки ва лоқайд муносабатда бўлиш, маишатга, ичкилик-бозликка берилиш каби салбий ҳолатларга йўл қўйилаётганини ҳам афсус билан қайд этиш лозим.

Мен бугунги анжуманда "ёшлар етакчиси" деган юксак номга мутлақо ярашмайдиган бундай нохуш ҳолатлар ҳақида

гапириб, сизларни хижолатга қўйиш фикридан йироқман.

Сизлар қурултой мажлисларида бу масалаларни ҳам муҳокама қилиб, уларга тегишли баҳо берасизлар, деб ўйлайман.

Афсуски, биз "Камолот"ни ёшларимиз чин дилдан интиладиган, самарали фаолият олиб борадиган, замонавий кучли бир ташкилотга айлантириш учун ўз вақтида тегишли чоралар кўрмадик. Буни очик тан олишимиз ва зарур ҳулоса чиқаришимиз керак.

Мен бу гапларни осмондан олиб эмас, аниқ фактлардан келиб чиқиб айтаяпман.

Мана, Президентнинг Халқ қабулхоналари ва Виртуал қабулхонасига келиб тушаётган мурожаатлар билан танишиб кўринглар. Уларнинг аксарияти "Бизни ҳеч ким эшитмайди", "Бизни ҳеч ким тушунайди", "Биз билан ҳеч ким қизикмайди", "Раҳбарлар ўзини ўйлаш билан овора" деган мазмунда ёзилган.

Ёшларга, уларнинг ташвиш ва муаммоларига ана шундай менсимасдан қараш ҳолатлари, афсуски, ҳақиқат.

Биз ёшларга мана шундай беписанд, бегона муносабатда бўлсак, оқибати нима бўлиши аниқ – улар ҳам биздан бегоналашади.

Ўқиндан, ишдан, жамиятдан, давлатдан, борингки, ҳаётдан кўнгли совиб, халқимиз ибораси билан айтганда, қўлини ювиб, қўлтигига уради.

Бу ҳақда гапирганда, нафақат жойларда, балки Ҳаракатнинг марказий идорасида ҳам меҳнат ва ҳаёт тажрибасига эга бўлган малакали кадрларнинг етишмаслиги жиддий муаммо бўлиб турганини таъкидлаш лозим.

Бунинг асосий сабабларидан бири шундаки, тизимда ишлаётган ходимларни моддий рағбатлантириш ва ижтимоий қўллаб-қувватлашга етарлича эътибор берилмапти.

Ўртача ойлик иш ҳақи 800 минг сўмни ташкил этаётгани учун уларнинг аксарияти ойлик маоши катта бўлган бошқа ишларга ўтиб кетаяпти.

Бунинг устига, кўпгина вилоят ва туманларда "Камолот" ташкилотлари учун бинолар етишмаслиги, уларнинг моддий-техник базаси ноқурилиги, зарур мебель ва инвентарлар, алоқа ва ташкилий техника воситалари билан етарлича таъминланмагани, хизмат машиналари йўқлиги ҳам ишга салбий таъсир кўрсатмоқда.

Мисол учун, ҳудудий бўлиналарнинг 81 таси маҳаллий ҳокимликлар биносиде, 96 таси турли корхона ва муассасалар биносиде жойлашган. Бу ўз-ўзидан ёшларнинг ўз ташкилотига эркин кириб-чиқишини қийинлаштирмоқда.

Давоми 2-бетда. »»

Пайшанба – жиноятчиликнинг олдини олиш ва профилактика кун

Бекобод туманида яшовчи Фарход Қодиров (исм-фамилияси ўзгартирилган) 35 ёшни уриб қўйган бўлса-да, на оиласи бор, на бир тайинли иш. Энг ачинарлиси, шу кунга қадар 8 марта жиноят содир этиб, жавобгарликка тортилган. Талончилик, ўғирлик, босқинчилик, қасддан ба-

данга шикаст етказиш, номусга тегиш каби жиноятларни ҳаёт тарзига айлантириб олгандек, гўё. Қора қурсида ўтириш ҳам, қамқонқоннинг совуқ деворлари ҳам унинг ақлини киритмаган. Ўзига тўғри ҳулоса чиқармаган бу шахс мана яқинда навбатдаги жиноятга қўл урди.

ТЕЗКОР ҲАРАКАТЛАР САМАРАСИ

Навбахор фермерлар уюшмаси "Пахтакор" маҳалласи ҳудуди бўйлаб ўтган ички автомобиллар қатнов йўлида маст ҳолатда 19 ёшли Наргиза Қудратовага ҳужум қилиб, тепиб, дўппослаб, ерга йиқитади. Бўйнидан бўғиб, 1 миллион сўмлик бир жуфт тилла сирғаси ва қўлидаги 500 минг сўмлик телефон аппаратурини олиб, воқеа жойидан яширинадди. Ҳозир унга нисбатан Жиноят Кодексининг тегишли моддалари билан жиноят иши қўзғатилиб, тергов ҳаракатлари олиб боришмоқда.

Вилоят ички ишлар бошқармасида ташкил этилган навбатдаги брифингда шу каби жиноятлар муҳокамаси бўлиб ўтди. Тадбирда айтилишича, вилоят ҳудудида бир ҳафта мобайнида 50 та жиноят қайд этилибди.

Ҳафта давомида вилоят ҳудудида 24 та йўл-транспорт ҳодисаси содир этилиб, 24 нафар шахс турли даражада тан жароҳати олди. Йўл ҳара-

кати хавфсизлиги бошқармаси ходимлари 3 минг 931 та қоидабузарлиқни аниқлашди. Эътиборингизни содир этилган жиноятларнинг яна бирига қаратмоқчимиз.

Бекобод туманида яшовчи Н. А. фуқароларнинг ишончилига кириб, уларнинг пулларини ўз эҳтиёжи учун ишлатиб юборганини ҳеч нарса билан оқлаб бўлмайди. У 1994 йилда турилган Насиба Олтишев ва ишлайдиган гўзаллик сало-нига келиб, 16 грамм тилла тақинчоқларини 3-4 кун муддат ичида қарийб уч миллион сўмга сотиб беришни ваъда қилади. Лекин пуллар эгасига етиб келмади.

Бундан ташқари, Н. А. фуқароларнинг пластик карталаридаги пулни нақд қилиб, эвазига 10 фоизини олиб қолишни айтиди. О. Ниязовнинг 3 миллион 770 минг, Ф. Ҳайитовнинг 6 миллион 700 минг, Узоқ Ўсаровнинг 7 миллион сўм пули бўлган пластик карталарини қўлга киритади. Шун-

дай қилиб, фуқаро Н. А. жами 20 миллион 350 минг сўмни "туя" қилиб юборади.

– Ходимларимизнинг сўй-ҳаракати билан содир этилган жиноятларнинг 46 таси "изи йўқолмасдан" фош этилди, – деди вилоят ИИБ тергов бошқармаси бошлиги Жаҳонгир Солиев. – Фош этилмаган 4 та ўғрилик бўйича айбдорларни қидириб топилди ва уларни қонун доирасида жавобгарликка тортиш борасида барча тергов ва тезкор чоралар кўрилмоқда. Ҳафта давомида қидирувда юрган 23 нафар шахс ушланди. Илгари содир этилган 6 та жиноят очилди.

Паспорт-виза қоидаларини бузган, ноқонуний яшашга шароит яратиб берган, жамоат жойида спиртли ичимлик истеъмол қилган, майда безорилик содир этган шахсларга нисбатан маъмурий баённомалар тузилди.

Хуришда ТУРСУНБОВА, "Тошкент ҳақиқати" муҳбири.

Абитуриент – 2017

Мамлакатимиздаги академик лицей ва касб-хунар коллежларини биттирувчи ёшлар таълимнинг янги босқичи – олий ўқув юрларида тахсил олиш учун ўзлари танлаган соҳалар бўйича институт ва университетларга ҳужжат топширмоқда.



Мансур ҲИММАТОВ олган сурат.

БИЛИМГА ТАЯНГАН МУРОДИГА ЕТАДИ

Қишлоқ хўжалиги учун етук кадрлар тайёрлашга ихтисослашган Марказий Осиёдаги энг йирик олий ўқув юрти – Тошкент Давлат аграр университетиде ҳам қабул жараёни қизгин давом этмоқда.

Мазкур илм даргоҳи давлатимиз раҳбарининг 2017 йил 5 майдаги "2017-2018 ўқув йилида Ўзбекистон Республикасининг олий таълим муассасаларига ўқишга

қабул қилиш тўғрисида"ги Қарорига мувофиқ, 21 та бакалаврият таълим йўналиши ва 20 та магистратура мутахассислиги бўйича талабаларни қабул қилади.

Университет раҳбарияти томонидан бакалаврият ва магистратура йўналишларида ўқиш истагиде бўлганлардан ҳужжат қабул қилиш, уларни давлат тест синовларига тайёрлаш, имтиҳонларни юқори савияда ўтқа-

зиш бўйича муайян ишлар амалга оширилмоқда. Хусусан, абитуриентлар ва уларнинг ота-оналари учун ахборот ва маслаҳат хоналари, дам олиш ва овқатланиш жойлари, салқин ичимликлар савдоси ташкил қилинди. Олий таълим даргоҳи, ундаги факультетлар, тайёрланаётган мутахассисликлар бўйича замонавий технологиялар ёрдамида маълумот бериш йўлга қўйилди.

Олий ўқув юртининг профессор-ўқитувчиларидан таркиб топган ишчи гуруҳлар республикамаизнинг турли ҳудудларидаги қишлоқ хўжалиги касб-хунар коллежлари ва академик лицейларга бориб, биттирувчиларга университетдаги таълим йўналишлари, факультетлар ва мутахассисликлар бўйича атрофлича маълумот берди.

Давоми 3-бетда. »»

ЖИСМОНИЙ ВА МАЪНАВИЙ ЕТУК ЁШЛАР — ЭЗГУ МАҚСАДЛАРИМИЗГА ЕТИШДА ТАЯНЧИМИЗ ВА СУЯНЧИМИЗДИР

Баъзи мисолларга мурожаат қилайлик. Фаргона вилоятида Ёшлар маркази биносининг биринчи қаватида ёшлар учун мўлжалланган тўғарак ва клублар фаолияти тўхтатилиб, мазкур бино ҳокимлик томонидан бошқа ташкилотга бериб юборилган.

"Қамолот"нинг Тошкент вилояти, Пискент тумани кенгаши туман ҳокимлиги биносида фаолият юритиб келган. Аммо ҳокимнинг топшириғига кўра, "Қамолот"га тегишли хоналар "Маҳалла" фонднинг туман бўлимига олиб берилган. "Қамолот"га эса учинчи қаватдаги мажлислар залидан шунчаки номига жой ажратилган.

Қорақалпоғистон Республикасининг Кегейли, Фаргона вилоятининг Сўх туманидаги "Қамолот" ташкилотлари авария ҳолатидаги биноларда жойлашганига, айтинглари, нима деса бўлади?

Ана шундай чидаб бўлмайдиган яна бир мисолни келтирмоқчиман. "Қамолот" ҳаракатининг Ўрта Чирчиқ тумани кенгаши "Элегант" деб аталадиган келин-куёвлар либоси салоҳида жойлашган. Буни қандай баҳолаш мумкин?

Ҳаракатнинг жойлардаги тузилмалари фаолияти тор доирада чекланиб, асосан ўқувчи-ёшларга қаратилмоқда. Бунинг натижасида ёшларнинг катта қисмига Ҳаракатнинг сўзи ҳам, амалий таъсири ҳам етиб бормаяпти. Айниқса, уюшмаган ёшлар билан ишлаш масаласи эътибордан четда қолиб кетмоқда.

"Қамолот" томонидан ўтказилаётган кўпчилик тадбирларнинг, тарғибот материалларининг мазмуни ва сифати пастлиги, улар замон талабларига жавоб бермаслиги, ёшлар аудиторияси билан иш олиб боришда интерактив усуллар қўлланмаётганини қайд этиш лозим.

Яна бир нохуш ҳолат шундан иборатки, маҳаллий ҳокимликлар томонидан "Қамолот" раҳбарлари ва ходимларини уларга алоқаси бўлмаган вазифаларни бажаришга, жумладан, қишлоқ ҳўжалиги уюмлари, металлор топшириш, ободонлаштириш каби ишларга, энг ёмони, турли-туман мажлисларга жалб этиш авж олмоқда.

Бундай ачинарли ҳолат Тошкент шаҳрида ҳам мавжуд бўлиб, "Қамолот"нинг туман кенгашлари раислари ободонлаштириш ишлари, бинолар фасадини таъмирлашга сафарбар этилган.

Улар, иш вақтининг асосий қисmini ўзларига бириктирилган "округ"ларда ўтказди. Кечки пайт эса ҳокимият мажлисида, рида ҳисобот беради. Ўзингиз айтинг, улар қачон ўзининг бевосита иши, яъни, ёшлар масаласи билан шугулланади?

Энг ёмони, жойлардаги айрим раҳбарлар "Қамолот" учун муносиб шароит яратиш бериш, ёшлар етакчиларига ёрдам бериш ўрнига уларга кўпол муносабатда бўлиш, обрўсини тўкишни "иш услуби"га айлантириб олмоқда.

Масалан, жорий йилнинг 4 май куни Навоий шаҳридаги "Ёшлик" спорт мажмуасида ўтказилган тарғибот тадбирларида хунук воқеа рўй берган. Ички ишлар бошқармаси раҳбарларидан бири "Қамолот"нинг Навоий вилояти кенгаши раисини кўпчилик ўртасида ҳақорат қилиб, зўравонлик билан тадбирдан четлаштирмоқчи бўлган.

Қани, Ички ишлар вазири, А. Азизов, сиз бу масалага қандай изоҳ берасиз? Навоий вилояти ҳокими, Қ. Турсунов, сизнинг бу ҳолатдан хабарингиз борми? Бор бўлса, бу масала бўйича қандай чора кўрдигиз?

Шу борада Андижон вилоятидан ҳам нохуш бир мисол келтиришга тўғри келади. Ўтган йили Ватанимиз мустақиллигининг 25 йиллиги муносабати билан вилоят "Қамолот" ҳаракати кенгашига Андижон шаҳар ободонлаштириш бошқармаси томонидан тантанали равишда янги автобус топширилган.

Лекин маросим тугаши билан автобус олиб қўйилиб, унинг ўрнига шалағи чиққан эски транспорт воситаси берилган. Айтинглари, бундай "ўйин"лар, кўзбўйамачилик билан биз ёшларга қандай тарбия бераймиз?

Андижон вилоятининг ҳокими Ш. Абдурахмонов, сиз бунга нима дейсиз?

Афсуски, бундай қамчиликларни республика миқёсидаги вазирлик ва идоралар фаолиятида ҳам учратиш мумкин.

Халқ таълими вазири Улугбек Иноятов, айтингни-чи, сиз ўз тизимингиз бўйича ёшлар етакчилари билан қачон учрашгансиз? Сиз бошчилиги қилаётган соҳада ишлаётган педагогларнинг неча фоизини ёшлар ташкил этади? Уларнинг қанчаси "Қамолот" аъзолари ҳисобланади?

Хозирги вақтда кўпгина қишлоқ жойларда турли маънавий-маърифий тадбирлар ўтказиш учун замонавий инфратузилма тармоқлари деярли йўқ. Масалан, Бахмал, Мирзаобод, Ховос, Ўрта Чирчиқ туманларида ёшлар учун истироҳат боғлари, кинотеатрлар умуман мавжуд эмас.

Яна бир мисол. Бухоро шаҳрида жойлашган Ибн Сино номидаги дам олиш ва истироҳат боғи Вазирлар Маҳкамасининг қарорига кўра, 2016 йилнинг ноябрь ойига қадар реконструкция қилиниб, "Қамолот" балансида ёшлар маркази сифатида ўтказилиши зарур эди. Лекин маблағ етishмаслиги туфайли қурилиш ва ободонлаштириш ишлари тўхтаб қолган.

Қани, ана шу шаҳар ва туманларнинг ҳокимлари, тегишли мутасаддилар, бу масалаларга қандай баҳо беришнгиз мумкин?

кин?

Сизлар раҳбар бўлган ҳудудларда яшайдиган ёшлар зерикканидан нима қилишни билмасдан, бемаза ишларга берилиши, безорилик, жиноят йўлига кириши, зарарли оқимларга қўшилиб кетиши мумкинлиги наҳотки сизларни безовта қилмаса? Ёшлар учун барча шароитларни муҳайё қилдик, деб биз кимни алдаяпмиз?

Шу муносабат билан барча катта-кичик раҳбарлар қўлогига қўрғошиндек қўйиб олсин: биз энди сизларнинг фаолиятингизга пахта ёки галлага қараб эмас, энг аввало, сизларнинг ёшларга, ёшларга оид давлат сиёсатида бўлган муносабатингизга қараб баҳо берамиз.

Хурматли анжуман қатнашчилари! Бундай танқидий фикрларни яна узоқ давом эттириш мумкин. Лекин мақсад — фақат танқид қилиш эмас. Мақсад шу гаплардан тўғри хулоса чиқариб, тилга олинган ҳар бир муаммо бўйича амалий ечим топишдан иборат.

Биз бугунги Ўзбекистон шароитида ёшлар ташкилоти қандай бўлиши керак, деган масалани тегишли раҳбарлар, олимларимиз, эксперт ва мутахассислар, ёшлар вакиллари билан кўп бор муҳокама қилдик.

Бу борада жакон тажрибасини, узоқ-яқиндаги турли давлатлар тажрибасини ўргандик. Дунёдаги ривожланган, демократик мамлакатларда ёшлар ташкилотлари дабдабали, баландпарвоз тадбирлар ўтказиш эмас, балки ёшлар билан бевосита ишлаш, улар билан амалий мулоқот қилиш, уларни ўйлантираётган ҳаётини муаммоларни ҳал этишга асосий эътиборни қаратади.

Хозирги пайтда ҳаммамиз "ойнаи жаҳон" орқали кўряпсиз, биз жойларда жамоатчилигимиз, аввало, ёшларимиз вакиллари билан доимий мулоқотлар ўтказаямиз. Бу учрашувларда бир фикр такрор ва такрор айтилмоқда. Яъни, Ўзбекистон ёшлари расмийлаштирилган, кампаниябозликдан холи, навқирон авлод манфаатларининг ҳақиқий ҳимоячиси бўла оладиган демократик ёшлар ташкилотини тузиш ҳақида ўз хоҳиш-истакларини билдирмоқда.

Бунда илгаригидек барча ёшларни бир ташкилотга "ихтиёрий-мажбурий" асосда бириктириш эмас, аксинча, уларнинг орзу-интилишлари, ҳаётини ва касбий қизиқиш доираси, ижтимоий мақсадлари бўйича уюштириш тўғри бўлади, деган тақлифлар илгари сурилмоқда.

Менинг назаримда, бундай фикрларда чўқур асос ва мантэк бор. Бу тақлифнинг афзаллиги шундаки, у мамлакат ёшларининг барча тоифа ва гуруҳларини қамраб олади, энг муҳими, уларни демократик принциплар асосида бириктиради.

Бу, ўз навбатида, бугун Ўзбекистонда олиб борилаётган демократик ислохотлар жараёни билан ҳамоҳанг экани, айниқса, эътиборлидир.

Ана шуларнинг барчасини ҳисобга олиб, мамлакатимизда ёшларнинг чинакам суяничи ва таянчи бўла оладиган мулкка янги ташкилот — **Ўзбекистон ёшлар иттифоқини** ташкил этсак, нима дейсизлар?

Хурматли йигилиш иштирокчилари! Маълумки, ҳар қандай ислохот, хусусан, миллионлаб ёшларнинг ҳаёти ва келажакига бевосита дахлдор бўлган ўзгаришлар ҳар томонлама чўқур ўйлаш иш тутиши, етти ўлчаб, бир кесишни талаб этади.

Шу нуқтаи назардан биз бугун янги ёшлар ташкилотини тузмокчи эканмиз, шовилмасдан, вазиимлик билан иш қўришимиз, бу масаланинг барча ижобий ва салбий томонларини ўзимизга яққол тасаввур қилиб, шундан кейин бир хулоса ва қарорга келишимиз лозим.

Бу борада, аввало, бўлғуси ташкилотнинг ҳуқуқий мақоми, асосий мақсад ва вазифалари, унинг ижтимоий ҳаётимиздаги ўрни ва нуфузини, обрў-эътиборини оширишга алоҳида эътибор қаратиш зарур.

Шу мақсадда Ўзбекистон ёшлар иттифоқи раҳбари айна вақтда Ўзбекистон Республикаси Президентининг ёшлар сиёсати бўйича давлат маслаҳатчиси лавозимида фаолият олиб боришнинг ҳуқуқий асосда белгиланган қўйиш даркор. Шу билан бирга, у Президент фармонида бинозан Олий Мажлис Сенати аъзоси этиб тайинланади.

Ташкилотнинг Қорақалпоғистондаги кенгаши раиси Республика Жўқорғи Кенгеси раисининг, вилоят, туман ва шаҳар бўлинмаларининг раҳбарлари эса тегишли ҳокимларнинг ёшлар сиёсати бўйича маслаҳатчилари этиб тайинланиши мақсадга мувофиқ.

Мана, қўриб турибсизлар, Ўзбекистон ёшлар иттифоқининг раҳбарлигига қандай катта мақом ва ваколат бериляпти.

Ўзбекистон ёшлар иттифоқининг таркибий тузилиши ҳақида гапирганда, бир масалага алоҳида аҳамият бериш керак. Маълумки, хозирги вақтда умумтаълим мактабларидаги бошланғич синф ўқувчилари билан ишлаш учун **"Қамалак" болалар ташкилоти** мавжуд.

Шунингдек, ёш тадбиркор ва фермерлар билан иш олиб борадиган **Ёшлар тадбиркорлиги ва фермерлики қўллаб-қувватлаш маркази**, истеъдодли ва ижодкор ёшлар билан ишлаш учун **Ёшлар ташаббуслари маркази** каби тузилмалар ҳам ташкил этилган.

Лекин тан олиш кераки, бугун уларнинг аксарияти талаб даражасида иш олиб

бормаяпти. Бу тузилмаларнинг фаолиятини жонлантириш, уларга янги мазмун ва руҳ бағишлаш керак.

Шу муносабат билан умумтаълим, ўрта махсус ва олий таълим тизимида "Қамолот" нисбатан самарали фаолият олиб борганини ҳисобга олган ҳолда, ушбу тизимдаги "Қамолот" ташкилотлари негизда Ўзбекистон ёшлар иттифоқининг бўлимларини ташкил этиш мумкин.

Келгусида эса ёшларнинг хоҳиши ва интилишларига кўра, Ёш олимлар уюшмаси, Ёшларга ижтимоий-психологик ёрдам кўрсатиш маркази, Ёшлар туризми уюшмаси, Спорт клублари ва фитнес марказлари уюшмаси, Имконияти чекланган ёшлар уюшмаси ва бошқа ташкилотлар ҳам тузилиши мумкин.

Албатта, бу тузилмаларни қандай номлаш, уларнинг вазифаларини белгиллаш бўйича, аввало, сизлар барча тенгдошларингиз билан фикрлашиб, шу асосда бир қарорга келишингиз табиий.

Ўзбекистон ёшлар иттифоқи ҳозир мавжуд бўлган ва келажақда тузиладиган бу уюшмаларнинг барчасини бириктириб, уларга нафақат молиявий, моддий-техник нуктаи назардан, аввало, гоаяий-услубий, маънавий жиҳатдан амалий ёрдам кўрсатадиган, уларнинг ишини мувофиқлаштирадиган асосий ташкилот сифатида фаолият олиб боради.

Айни вақтда ҳаммамиз тушунамизки, Ўзбекистон ёшлар иттифоқи фаолиятини дастлабки пайтда ҳар тарафлама қўллаб-қувватлаш, унинг оёққа туриб олиши учун давлат томонидан зарур қўмак ва ёрдам берилиши лозим.

Ёшларга оид давлат сиёсатини амалга ошириш наинки Президент девони, балки барча бўғиндаги давлат органлари раҳбарларининг доимий ишига айланиши зарур. Бундан бунён бу соҳада аниқ тизим асосида иш олиб борамиз.

Қонунчилик палатаси Спикери ва Сенат Раисидан бошлаб, Бош вазир ва унинг ўринбосарлари, Бош прокурор, вазирлик ва идоралар, компания ва ҳўжалик бириктирилган раҳбарлигига марказда ва жойларда ҳар бир соҳа бўйича ёшлар билан учрашиб, доимий мулоқот олиб борадиган тартиб жорий этишимиз керак.

Шу муносабат билан, аввало, хозирги кунда фаолият кўрсатаётган тузилмалар билан, жумладан, таълим тизимидаги ёшлар ташкилотлари билан — Бош вазир А. Арипов ҳамда Олий ва ўрта махсус таълим вазири И. Мажидов, Халқ таълими вазири У. Иноятов, ҳамма соҳада Ёшлар тадбиркорлиги ва фермерлики қўллаб-қувватлаш маркази билан — Бош вазирнинг биринчи ўринбосари А. Рамагов, Бош вазир ўринбосари З. Мирзаев ва Савдо-саноат палатаси раиси А. Икромов, Ёшлар ташаббусларини қўллаб-қувватлаш маркази билан — Давлат маслаҳатчиси Х. Султонов ва маданият вазири М. Муратов доимий иш олиб бориши керак.

Шунингдек, келгусида ташкил этиладиган Ёшлар туризми уюшмаси билан — Бош вазир ўринбосари Ж. Қўчқоров ва Туризмни ривожлантириш давлат қўмитаси раиси А. Шарапов, Ёш олимлар уюшмаси билан — Бош вазир ўринбосари У. Розикўлов ва Фанлар академияси президенти Б. Ўйлов, Спорт клублари ва фитнес марказлари уюшмаси билан — Бош вазир ўринбосари Ф.Ибрагимов ҳамда Жисмоний тарбия ва спорт давлат қўмитаси раиси Р. Курбонов, Имконияти чекланган ёшлар уюшмаси билан — Бош вазир ўринбосари Т. Нурдодоева ва соғлиқни сақлаш вазири А. Шобмонов, Ёшларга ижтимоий-психологик ёрдам кўрсатиш маркази билан — Бош прокурор И. Абдуллаев ва Адлия вазири М. Икромов тизими асосида иш олиб бориши, бошқача айтганда, уларни оталикка олиши мақсадга мувофиқдир.

Шу билан бирга, жойларда вилоят, туман ва шаҳар ҳокимлари, суд, прокуратура, ички ишлар органлари, соғлиқни сақлаш, халқ таълими ташкилотлари ёшлар билан доимий мулоқотни йўлга қўйиши, уларнинг олдидан мунтазам равишда ҳисобот бериб бориши зарур.

Ўзбекистон ёшлар иттифоқининг жойлардаги кенгашлари раислари ва фаоллар, албатта, сайловларда иштирок этиб, Халқ депутатлари маҳаллий Кенгашларига, керак бўлса, Олий Мажлис Қонунчилик палатасига сайланиши ҳам муҳим аҳамиятга эга.

Иккинчидан, Ўзбекистон ёшлар иттифоқи давлат ва жамият учун раҳбар кадрларни тайёрлаб берадиган ўзига хос марказ бўлиши, замонавий тилда айтадиган бўлса, ёшлар учун **"социал лифт" вазирасини** бажариши керак. У билмли, ташаббускор ва ташкилотчи, фидойи ёш раҳбарларнинг кадрлар захирасини яратиши керак.

Шу мақсадда Президент ҳузуридаги Давлат бошқаруви академияси қошида **Ёшлар муаммоларини ўрганиш ва истиқболли кадрларни тайёрлаш институтини ташкил этиш зарур.**

Бош вазир А. Арипов, Давлат маслаҳатчиси У. Исмоилов ва академия ректори Р. Қосимовга бир ой муддатда шу масала юзасидан тегишли қарор лойиҳасини тайёрлаб, тасдиқлаш учун киритиш вазираси топширилади.

Ўзбекистон ёшлар иттифоқи ташкилотларида ўзини ижобий жиҳатдан кўрсатган

ҳодимлар Давлат бошқаруви академиясида билим ва малакасини ошириб, ҳокимлик ва вазирликлар тизимида раҳбарлик лавозимлари учун асосий номзодлар қилиб тайёрланиши керак. Бундай тажриба илгари ҳам бўлган ва яхши натижа берган эди.

Учинчидан, Ўзбекистон ёшлар иттифоқининг обрўси ва таъсирини ошириш учун мамлакатимизда ёшлар манфаатини таъминлашга қаратилган ишларда унинг иштирокини ҳар томонлама кенгайтириш зарур.

Ёшлар, ёш оилалар учун шахсий уй-жойга эга бўлиш нақадар муҳим аҳамиятга эга эканини ҳисобга олган ҳолда, биз бу йўналишда бошланган ишларимизни изчил давом эттиришимиз керак.

Барча туман ва шаҳарларда, жумладан, чекка ҳудудларда "Ёшлар уйлари"ни қуриш бўйича тўрт йиллик аниқ режа ишлаб чиқиш ва 2018 йилдан уни бажаришни бошлаш лозим.

Бу борада аҳоли зич яшайдиган Фаргона водийси вилоятларида, хусусан, шароити оғир бўлган Марказий Фаргона минтақасида ёш оилаларнинг уй-жойга бўлган эътиҳини таъминлашга алоҳида эътибор қаратиш керак.

Умуман, қишлоқ ҳудудларида яшаётган, тураржойга муҳтож ёш оилаларни имтиёзли кредитлар асосида арзон уй-жой билан таъминлаш бўйича ваколатини энди Ўзбекистон ёшлар иттифоқига бериш масаласи Вазирлар Маҳкамаси томонидан қўриб чиқилиши лозим.

Тўртинчидан, ёшларни иш билан таъминлаш масаласи биз учун ҳамон энг долзарб вазифа бўлиб қолмоқда. Бугунги кунда ёшлар учун янги иш ўринлари очиш, уларнинг ҳалол меҳнат қилиб, даромад топиши мақсадида кўп ишлар қилинмоқда. Лекин, шунга қарамадан, бу борада муаммолар ҳам оз эмас.

Юртимизда ишсизларнинг аксарият кўпчилиги қисмини коллеж битирувчилари ташкил этмоқда. Масалан, 2016 йили 477 минг 743 нафар ёш илгит-қиз коллежларни битириб чиққан ва уларнинг 438 минг 503 нафари ёки 91,8 фоизи иш билан таъминлангани тўғрисида маълумот берилган.

Савол туғилади: бу рақамлар қанчалик тўғри? Агар барча коллеж битирувчилари ишга жойлашган бўлса, ишсиз ёшлар қардан пайдо бўляпти?

Коллеж битирувчилари билан тўрт томонлама, шартномаларни, номингагина имзолаб, ўзимизни ўзимиз алдамаяпмизми?

Ёшларни иш билан таъминлаш учун, аввало, улар ўртасида тадбиркорликни кенг ривожлантириш, бу борада янги имкониятлар яратиш мақсадида биз бир қатор чора-тадбирларни кўзда тутмоқдамиз.

Бу борада Иқтисодиёт вазирлиги, Бандлик ва меҳнат муносабатлари вазирлиги, Давлат рақобат қўмитаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимлигига ҳар бир туман (шаҳар) марказида Ёшлар тадбиркорлик кластерларини ташкил этиш вазираси топширилади.

Ана шу кластерлар фаолиятини йўлга қўйиш учун электр энергияси, табиий газ, сув ва транспорт коммуникацияси, алоқа воситалари ва Интернетга улаштириш имконияти мавжуд бўлган ҳудудларда фойдаланилмай ётган давлат объектлари ёш тадбиркорларга "ноль" қиймат билан ижарага берилади.

Ҳамма ҳудудларда ташкил этилаётган иқтисодий зоналарда, шаҳарларда эса кичик саноат зоналарида Ўзбекистон ёшлар иттифоқининг аъзоси бўлган ёш тадбиркорлардан ижара ҳақи олинмайдиган тартиб жорий этилади.

Бундан ташқари, ўз бизнесини бошлаётган ёш тадбиркорларга имтиёзли нархларда юридик, техник ва бошқа маслаҳат ёрдамларини кўрсатишни йўлга қўйиш лозим.

Бу масала бўйича молия вазири Б. Хўжаев ҳамда Савдо-саноат палатаси раиси А. Икромов бир ой муддатда тегишли тақлифларни ишлаб чиқиш, тақдим этиши зарур.

Шунингдек, тегишли иқтисодий чора-тадбирларни амалга ошириш ҳисобидан Ўзбекистон ёшлар иттифоқининг бюджет маблағларини икки қатмар кўпайтириш режалаштирилмоқда.

Бош вазир Б. Хўжаев ва Давлат солиқ қўмитаси раиси Б. Парпиев бу масалага масъул ҳисобланади.

Иқтисодиёт вазирлиги, Давлат солиқ қўмитаси, Бандлик ва меҳнат муносабатлари вазирлиги ҳамда "Хунарманд" уюшмасига топшириқ: хунармандлик йўналишидаги тадбиркор ёшлар, айниқса, қизларнинг касаначилик билан банд бўлиши учун қулай шароит яратиш берилинсин. Бу борада бўш турган объектлардан имтиёзли шартлар асосида жой ажратиш, мини-технологиялар, асбоб-ускуна ва зарур жиҳозлар ўрнатиш бериш кўзда тутилмоқда.

Жумладан, ёш хунармандларга хом ашё сотиб олиш учун кредитлар бериш, ўз бизнесини бошлаган ёш тадбиркорлар томонидан Пенсия жағғармасига тўланадиган суғурта бадалини олинган кредитларни қоплашга йўналтириш тизими жорий этилади.

Бандлик ва меҳнат муносабатлари ва

зирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларига топшириқ: синов тарикасида 11 йиллик мажбурий ўрта таълим тизимида ўтиш муносабати билан бўшайдиган коллеж устакхоналари негизида ёшларни, айниқса, уюшмаган ёшларни 6 ойгача бўлган муддатда бепул ўқитиш ва касбга қайта ўқитиш марказлари ташкил этилинсин.

Айни пайтда қўлига диплом олиб, мустақил иш бошлаётган ёшларимиз учун ҳам қўшимча имконият ва имтиёзлар яратиш берилади.

2018 йилнинг 1 январидан бошлаб касб-хунар коллежлари, академик лицейлар ва олий таълим муассасаларининг биринчи марта ишга жойлашган битирувчилари бу имкониятлардан фойдаланади.

Яъни, таълим муассасасини тамомланганига уч йил бўлмаган бўлса, уларнинг иш ҳақидан олинмайдиган даромад солиғи биринчи йили 50 фоиз, иккинчи ва учинчи йилларда эса 25 фоиз камайтирилади.

Шунингдек, Ўзбекистон ёшлар иттифоқи қошида барча турдаги солиқлардан 10 йилга овоз қилинган шўъба корхоналари тузиш ваколати берилади. Ушбу корхоналар учун аниқ фаолият йўналишларини, мисол учун, турли фанлар, жумладан, чет тилларни ўргатиш, компьютер дастурларини тузиш ва тадбиркорлик асосларини ўқитиш тизимларини белгилаш лозим.

Мазкур корхоналар томонидан тўланадиган солиқ тушувларининг 20 фоизини Ўзбекистон ёшлар иттифоқига ўтказиб бериш тартибининг жорий этиш керак.

Яна бир масала — Ўзбекистон ёшлар иттифоқи вилоят ва туманларда замонавий "Ёшлар кинотеатрлари"ни барпо этиш ишига бош-қош бўлса, яхши бўларди. Бунинг учун "Ўзсаноатқурилишбанк" томонидан 5 йил муддатга бериладиган имтиёзли кредитлар асосида алоҳида дастур ишлаб чиқиш ва амалга ошириш тақлиф этилади.

Ёшлар иттифоқининг фаол аъзоси бўлган, бакалаврият ва магистратура талабаларига ўртача ўзлаштириш кўрсаткичи 86 фоиз ва ундан юқори бўлган тақдирда таълим бўйича шартнома тўлови миқдорининг 35-40 фоизини ташкилот ҳисобидан тўлаш орқали моддий ёрдам кўрсатиш ҳам кўзда тутилмоқда.

Ўзбекистон ёшлар иттифоқи тизимида 3-5 йил ва ундан кўпроқ фаол ишлаб келаётган, ипотека кредити асосида уй-жой сотиб олиш истигини билдирган ҳодимларнинг ҳар йили 140 нафарига 25-30 фоиз миқдоридида бошланғич тўлов ташкилот маблағлари ҳисобидан тўланади.

Шунингдек, Ёшлар иттифоқининг вилоят, шаҳар ва туман кенгашлари раисларини рағбатлантириш, иттифотнинг фаолият самарадорлигини ошириш

ЖИСМОНИЙ ВА МАЪНАВИЙ ЕТУК ЁШЛАР — ЭЗГУ МАҚСАДЛАРИМИЗГА ЕТИШДА ТАЯНЧИМИЗ ВА СУЯНЧИМИЗДИР

Ҳозирги вақтда ёшларга мўлжалланган "Туркистон" газетаси 9 минг 500 нусхада, "Молодёжь Узбекистана" газетаси 2 минг 800, "Ёш куч" журналы 3 минг нусхада чоп этилаётганини қониқарли баҳолаш мумкинми? Мамлакатимизда 10 миллиондан ортиқ ёшлар мавжуд бўлгани, айтишнинг қандай изоҳлаш мумкин?

Мисол учун, "Туркистон" газетасига Фарғона вилоятида 225 та, Сурхондарё вилоятида 134 та, Самарқанд вилоятида 54 та, Сирдарё вилоятида эса бор-йўғи 40 та обуна бўлганини, айтишнинг қандай изоҳлаш мумкин?

Холбуки, республикадаги барча ва-зирлик ва идоралар, йирик компаниялар ходимларининг аксариятини ёшлар ташкил этади. Лекин ана шу ташкилотларда ёшлар наслларига обуна масаласи қандай?

Кани, "Ўзбекнефтегаз" компанияси раиси А. Султонов, сиз бу саволга қандай жавоб берасиз? Сиз ўз тизимингиздаги ёшлар қандай матбуот наслларига обуна бўлгани, қандай китобларни ўқитгани, умуман, уларнинг маънавий савияси, дунёқараши билан ҳеч қизиқиб кўрганми?

Жаноб А. Султоновга берган бу савол-

лими мен бошқа кўп раҳбарларга ҳам беришим мумкин ва аминманки, жавоб мана шундай қониқарсиз бўлиши аниқ.

Ўзингиз ўйланг, азиз дўстлар, ёшларимиз ўзимизнинг газета-журналларимизни ўқимаса, ўз миллий адабиётимиз ва санъатимизни билмаса, улар қандай қилиб ва-танпарвар бўлади? Уларнинг онгу тафаккури, дунёқараши нима ҳисобидан шаклланади?

Бундан келиб чиқадиған хулоса шуки, катта-кичик раҳбарларнинг барчаси бу масала бўйича шахсан масъул эканини унуттишга ҳеч қандай ҳаққи йўқ.

Айни вақтда ёшлар аудиториясига ихтисослашган оммавий ахборот воситалари ҳам ўз фаолиятини тубдан ўзгартириши лозим.

Аввало, куруқ расмий гаплардан қочиш, танқидий таҳлил, креатив ёндашув, бугунги ҳаётни бутун кўлами, мазмуни, керак бўлса, мураккаблиги билан ёритишда журналистларимиз фаоллик кўрсатиши керак.

Шу маънода, янги ташкил этилган Халқаро пресс-клубга ўхшаб, Ўзбекистон ёшлар иттифоқининг ҳам ўз матбуот клубини очиш фойдадан холи бўлмайди.

Ўтқир ва долзарб муаммоларни сизлар айтмасангиз, барибир халқнинг ўзи айтган. Ахир, сизларнинг вазифангиз ҳаётдан бир қадам олдинда юриш эмасми?

Биз учун энг муҳим бўлган яна бир масала — бу ёш қизлар тарбияси билан боғлиқ.

Шу муносабат билан Бош вазир ўринбосари Т. Норбоевга мурожаат қилмоқчиман: сиз бошчилик қилаётган Хотин-қизлар кўмитаси фақат "Зулфиячи қизлар" билан чекланиб қолмасдан, юртимиздаги барча қизлар билан фаол иш олиб бориши лозим.

Айниқса, қизларимизнинг ҳуқуқ ва манфаатларини ҳимоя қилиш, истеъдод ва қобилиятини юзага чиқариш, улар орасида ҳақиқий етакчиларни тарбиялаш ишларини янада кучайтириш керак. Шу борада мен қизларимиз учун алоҳида бир нашр — майли, унинг номи "Қизларжон" бўладими, "Дугоналар" бўладими, янги журнал ташкил қилишни таклиф этаман.

◀◀ Бошланиш 1-2-бетларда.

Ҳозирги кунда мамлакатимизда китобхонлик савиясини ошириш, мутлоаа маданиятини юксалтиришга катта аҳамият берилётгани сизларга маълум. Лекин, кўплаб болаларимиз китобдан ўзоқлашиб, кўп вақтини ижтимоий тармоқларда ўтказиб ўтганимиз — бу ҳам бор гап.

Албатта, биз Интернет ва бошқа замонавий ахборот манбаларининг ўрни ва аҳамиятини инкор этмаймиз. Бугунги ҳаётимизни Интернетсиз тасаввур қилишнинг ўзи қийин.

Шуни ҳисобга олган ҳолда, Ўзбекистон ёшлар иттифоқи Интернет тизими орқали маънавий тарғибот ишларини, жумладан, электрон китобхонлиқни кучайтириши зарур.

Нега деганда, биз фарзандларимизнинг онги, дунёқараши асрлар давомида синовдан ўтган, юксак маънавий заҳинаси бўлган жаҳон ва миллий адабиётимиз асосида эмас, балки қандайдир шубҳали, зарарли ахборотлар асосида шаклланишига бепарво қараб туролмаймиз.

Аҳолиимиз, энг аввало, ёшлар ўртасида китобхонлик савиясини ошириш мақсадида Қорақалпоғистон Республикаси, вилоятлар ва Тошкент шаҳрида ҳар йили "Энг китобхон мактаб", "Энг китобхон маҳалла", "Энг китобхон оила" каби йўналишларда танловлар ўтказиш, яқиний босқич голибларини тақдирлаш учун қимматбаҳо совғалар, жумладан, юртимизда ишлаб чиқарилган автомобилларни мукофот тариқасида бериш, ўйламанки, бу жуда катта рағбат бўлади.

Бош вазир А. Арипов ва Давлат маслаҳатчиси Х. Султоновга шу масала бўйича бир ой муддатда таклиф киритиш вазифаси топширилади.

Шунингдек, "Китоб олами" дўконлари тармоғини Ўзбекистон ёшлар иттифоқи тасарруфига бериш ҳамда ёш ижодкорларнинг китоблари ҳамда "Туркистон", "Молодёжь Узбекистана" газеталари, "Ёш куч" журналларини чоп этиш учун "Ёшлар наслриёт уйи"ни ташкил этиш вақти келди, деб ўйламан.

Шу муносабат билан Ўзбекистон ёшлар иттифоқида умумтаълим муассасалари кутубхоналарини 10 миллион сўм маблағ ҳисобидан бадий адабиётлар билан таъминлаш имконини яратиш бериш лозим. Тегишли вазирлик ва идоралар билан биргаликда у ҳар йили умумтаълим муассасалари кутубхоналарининг талабини ўрганиб, бадий адабиётларни харид қилиш ишларини ташкил этиши даркор.

Шу борада яна бир муҳим лойиҳа — 2020 йил 1 декабрдан ҳар бир туман ва шаҳарда Ўзбекистон ёшлар иттифоқи қарашли, барча қулайликларга эга бўлган кутубхона ва китоб дўконини ҳам ўз ичига олган кичик Ёшлар марказларини барпо этиш лойиҳасини амалга оширамиз.

Келгусида Қорақалпоғистон Республикаси, барча вилоятлар ва Тошкент шаҳридаги ҳар бир туманда биттадан коллеж биносини Ўзбекистон ёшлар иттифоқи тасарруфига бериш лозим.

Бу бинолар фақат ташкилотнинг бошқарув идораси бўлиб қолмасдан, уларда ёшлар иштирокида турли маънавий-маърифий тадбирлар, фан ва касб-хунар тўғрисидаги, спорт мусобақалари, адабий кеча ва мушоиралар, бадий ва хунармандлик кўргазмалари ўтказишни, албатта, йўлга қўйиш керак.

Олтинчидан, юртимизда ижтимоий-

маънавий муҳитни яхшилаш, ёшларни турли диний экстремистик оқимлар таъсиридан асраш масаласи барчамиз учун энг асосий вазифа бўлиб турибди.

Мактабда, лицей-колледж ёки маҳаллада бир бола адашиб, нотўғри йўлга кириб кетар экан, бундан аввало унинг тенгдошлари, ёшлар ташкилоти хабардор бўлиши, ҳеч кимни тинч қолдирмасдан, бонг уриши керак эмасми?

Шу маънода, бугунги кунда юртимизда тобора кенг тарқалиб бораётган "Ўз болангни ўзинг асра!" деган даъват фақат қуруқ шior бўлиб қолмасдан, ҳар бир ота-она, ҳар бир фуқаронинг қалбига, юрагига чуқур кириб бориши, амалий ҳаракатга айланиши зарур.

Бунинг учун бу масалани, яъни, ота-оналарнинг фарзандлар тарбияси учун масъулият ва бурчини ҳуқуқий асосда мустаҳкамлаб қўйиш вақти келди, деб ўйламан. Давлат маслаҳатчиси О. Муродов, Адлия вазири М. Икромов бир ой муддатда ушбу масала юзасидан тегишли таклифларни тайёрлаб, киритиши зарур.

Ҳозирги вақтда чет элда ишлаб юрган айрим ёшларнинг терроризм ва экстремизм чангалига тушиб қолаётгани билан боғлиқ муаммо барчамизни қийнамоқда.

Лекин, қайси ҳоким ёки вазир, қайси жамоат ташкилотининг раҳбари мана шу ёшлар хорижда нима қилиб юрибди, қандай кун кечиряпти, деб қизиқиб кўряпти?

Холбуки, кўпгина давлатларда ўз фуқаролари бўлган, хориждаги ёшлар билан ишлаш бўйича тузилмалар бор. Уларнинг тажрибасини ўрганиб, биз ҳам чет элларда ўқитган, меҳнат қилаётган ёшлар билан иш олиб борадиган, уларнинг ҳуқуқ ва манфаатларини ҳимоя қиладиган бир ташкилот тузишимиз керак. Ўзимизнинг болаларимиз ҳақида ўзимиз ўйламасак, ким ўйлайди?

Бу масала бўйича Давлат маслаҳатчиси А. Юнусхўжаев, ташқи ишлар вазири А. Комилов, бандлик ва меҳнат муносабатлари вазири А. Абдухалимов Ўзбекистон ёшлар иттифоқи билан биргаликда бир ой муддатда таклиф киритсин.

Еттинчидан, Ўзбекистон ёшлар иттифоқи маънавий-ахлоқий жиҳатдан муаммоси бор, яъни нотинч оила фарзандлари, хижолатчиликка мойил бўлган ёки профилактик рўйхатда турадиган ёшлар билан индивидуал тарзда иш олиб боришга кўпроқ эътибор қаратиши лозим.

Иқтидорли, тарбияли болалар билан ишлаш осон, лекин ҳаётда қўқилган ёки ёмон муҳитга тушиб қолган ёшларни тўғри йўлга, эзгу мақсадга даъват қилиш, ишонтириш қийин. Янги ташкилот мана шу оғир, лекин ўта зарур вазифани ўз зиммасига олиши айтиш мумкин бўлур эди.

Биз "ушмаган ёшлар, ушмаган ёшлар", деб кўп гапирамиз. Лекин бу масалани ҳуқуқий ва амалий жиҳатдан ҳал қилишга келганда, очик айтиш керак, кўпчилигимиз нима қилиш лозимлигини билмаймиз.

Шу мақсадда Ўзбекистон ёшлар иттифоқи бошчилигида, бошқа манфаатдор вазирлик ва идоралар иштирокида, бир илмий-амалий конференция ўтказиш ўринли бўлур эди. Унда ушмаган ёшлар билан ишлаш бўйича ҳар томонлама асосланган тавсиялар ишлаб чиқиш зарур, деб ўйламан. Бу вазифа Давлат маслаҳатчиси О. Муродов ва Р. Комиловга топширилади.

Яна бир муҳим масалага эътиборингиз-

ни қаратишни истардим.

Ўзбекистон ёшлар иттифоқи жаҳон маданияти ривожига бекиёс ҳисса қўшган буюк аждодларимиз меросига ҳурмат, унга муносиб бўлиш туйғусини шакллантириш, бу бебаҳо бойлиқни чуқур ўрганиш ва кенг тарғиб этишга қаратилган мазмундор, таъсирчан лойиҳаларни амалга оширишда ташаббус кўрсатиши нур устига нур бўлиб эди. Ҳозирча бу борада ёшлар ташкилотининг ишини қониқарли деб бўлмайди.

Мамлакатимизда ҳукм сураётган тинчлик, миллатлараро тотувлик, ўзаро ҳурмат ва меҳр-оқибат муҳитини кўз қорачиғидек асраш, ёш авлод ўртасида ҳарбий-ватанпарварлик тарбиясини кучайтиришда Ўзбекистон ёшлар иттифоқи ўзининг мустаҳкам ўрнига эга бўлиши лозим.

Маълумки, тарихда халқимиз орасидан кўплаб буюк саркардалар етишиб чиққан. Ана шундай мард ва фидойи аждодларимизнинг ҳарбий соҳадаги бой мероси, мардлик ва жасурлик фазилатлари ёшларимиз учун ибрат мактаби бўлиб хизмат қилади.

Айниқса, Соҳибқирон Амир Темур бобимиздек — у зот биронта жонга мағлуб бўлмаган — энгилмас саркарда ва давлат арбоби жаҳон тарихида камдан-кам топилади. Ўз яқинлари, замондошлари бу улуг сиймони Темурбек деб атаган эканлар. Мен шу ҳақда ўйлаганимда, бир фикр хаёлимдан ҳеч кетмайди. Юртимизда ёшларга ҳарбий таълим-тарбия берадиган курсантлар мактабларига "Темурбеклар мактаби" деб ном берсак, нима дейсизлар?

Бу масала бўйича Бош вазир А. Арипов, Хавфсизлик кенгаши қотиби В. Махмудов, Мудофаа вазири К. Бердиевга бир ой муддатда таклиф киритиш вазифаси топширилади.

Азиз дўстлар!

Юртимиз ёшлари ўртасида илм-фан, таълим-тарбия, тиббиёт, маданият, адабиёт ва санъат, спорт, ишлаб чиқариш, ҳарбий хизмат соҳаларида, умуман, барча жаҳаларда жонбозлик кўрсатиб келаётган азамат йигитларимиз жуда кўп. Улар ўзининг жисмоний ва маънавий салоҳияти, истеъдод ва маҳоратини намоён этиши учун зарур шароитларни яратиш бериш борасида мамлакатимизда кўп ишлар қилинган ва келгусида ҳам уларни албатта давом эттирамиз.

Айни вақтда ҳалол ва самарали меҳнат, илмий-ижодий ютуқлари, Ватанга садоқатли хизмати билан барчага ўрнак бўлаётган мард ўлжаларимизни кўллаб-қувватлаш ва рағбатлантириш давлатимиз ва жаҳонимизнинг эътибор марказида бўлиши зарур.

Сизларга маълумки, юртимизда иқтидорли ва фаол қизларимиз учун Зулфия номидаги Давлат мукофоти таъсис этилган. Энди турли соҳа ва тармоқларда катта натижаларга эришиб келаётган йигитлар учун "Мард ўғлонлар" деган ном билан Давлат мукофотини таъсис этсак, нима дейсизлар?

Шу билан бирга, ёшларга оид давлат сиёсатини амалга оширишда, ўқишда, меҳнатда, жамоат ишларида ҳар томонлама фаол бўлган йигит-қизларимизни тақдирлаш мақсадида "Келажақ бунёдкори" медалини ҳам таъсис этиш ўринли бўлур эди.

Нега деганда, ҳар қандай ютуқ, ҳар қандай ғалабанинг замирида, аввало, меҳнат ва қатъият, мардлик ва жасорат мужассам

бўлиб, эл-юрт равнақи йўлидаги ҳалол хизмат, албатта, ўзининг муносиб баҳоси ва қадрини топиши керак.

Фурсатдан фойдаланиб, яна бир муҳим фикрни сизлар билан маслаҳат қилмоқчиман. Юртимизда байрамлар кўп, лекин ёшларга бағишланган алоҳида байрам йўқ. Бугун шу масалани ҳам ҳал этадиган вақт келди.

Ўзбекистон ёшлар иттифоқи ташкил этилган кун — 30 июнь санасини мамлакатимизда Ёшлар куни деб эълон қилсак, қандай бўлади?

Ҳурматли делегатлар, азиз фарзандларим!

Мана, бугун сизлар билан мамлакатимиз ёшлари ҳаётига дахлдор кўпгина масалалар тўғрисида, жумладан, ёш авлодимизни ҳар томонлама етук инсонлар, биз бошлаган улуг ишларнинг муносиб давомчилари этиб тарбиялаш борасида олдимизда турган энг муҳим ва долзарб вазифалар ҳақида атрофчи гаплашиб олдик.

Тан олиш кераки, кескин танқидий гаплар ҳам бўлди. Лекин бу гаплар қанчалик аччиқ бўлмасин, улар ҳаққоний гаплардир. Мен ўйламанки, биз бир-биримизни тўғри тушуңдик.

Бугунги муҳокама, билдирилган фикр-мулоҳазаларнинг барчаси ягона, эзгу бир мақсадга, яъни халқимиз, энг аввало, ёшларимизнинг ҳаётини янада обод ва фаровон, мазмунли ва бахтли қилишга қаратилганини ҳаммамиз англаб турибмиз.

Бугун мана шу муҳташам залда тўпланган сиз, азизларим, вилоят ва туманларда видеоалоқа орқали анжуман ишини кузатиб бораётган йигит-қизларимизни, барчангизнинг ёниб турган кўзларингизни, азму шижоатингизни, навқирон куч-ғайратингизни кўриб, сизлар билан самимий суҳбатда бўлиб, очингани айтсам, ўзим ҳам яшариб кетгандек бўлдим.

Бугунги учрашувдаги кўтаринки руҳ, баланд қайғирини кўрган ҳар қандай одам беихтиёр машҳур шоиримиз Ҳамид Фулоннинг:

"Оҳ, сенинг ёшлигинг менда бўлсайди!" деган гўзал сатрини такрорлаши табиий, деб ўйламан.

Ҳақиқатан ҳам, биз, ота-оналар, устоз ва мураббийлар сизларни, бутун Ўзбекистон ёшларини Ватанимиз, жаҳонимизнинг ҳал қилувчи кучи деб биламиз ва сизлар ҳақида халқимизнинг мана шундай юксак ишончига муносиб бўласиз, деб ишонамиз.

Сизларга яхши маълум, ҳозирги вақтда юртимизда "Буюк келажагимизни мард ва олижаноб халқимиз билан бирга қурамиз!" деган шior кенг тарқалиб, ҳаётимизга тобора чуқур кириб бормоқда. Лекин Ўзбекистонимизнинг мана шундай ёруғ ва фаровон истиқболини бунёд этишдек масъулиятли вазифани ким ўз зиммасига олади?

Албатта, фақат замонавий билим ва касб-хунарларни пушта эгаллаган, мустақил фикрлайдиган, доимо эл-юрт тақдирига дахлдорлик туйғуси билан яшайдиган сиз, азиз ёшларимиз майдонга дадил чиқиб, бугунги кунда ҳаётнинг ўзи олдимизга қўяётган вазифаларни ҳал этишга қодирсиз.

Мана шундай улуг мақсадга эришиш йўлида, Ўзбекистон ёшлар иттифоқини том маънода мамлакатимиздаги барча ёшларнинг таянчи ва суянчига айлантириш йўлида сизларга сўхат-саломатлик, куч-ғайрат, бахт ва омад ёр бўлишни тилаб қоламан. Эътиборингиз учун раҳмат.

Тадбир

"Буюк келажагимизни мард ва олижаноб халқимиз билан бирга қурамиз!" Ана шундай эзгу-мақсад тарғиботига бағишланган хайрия акцияси Бўха туманидаги 15-Меҳрибонлик уйида бўлиб ўтди.

КИЧКИНТОЙЛАР ҲАЙРАТИ

Тадбир давомида иштирокчиларга маданий дастур тақдим этилди. Айниқса, тарбияланувчилар томонидан таъйинланган сахна кўринишлари барчага маъқул келди.

— Болаларимиз орасида иқтидорлилари талайгина, — дейди Меҳрибонлик уйи раҳбарининг ўринбосари Одил Жўраев. — Улардан Дурдона Ёргашева, Анастасия Молокова ва Моника Додарбекова Россиянинг НТВ телеканали томонидан МДХ мамлакатларидаги мактаб-интернатлари ва Меҳрибонлик уйи тарбияланувчилари ўртасида ўтказилган "Ты супер танец" танловининг финал босқичида қатнашиш учун Москвага жўнаб кетишди.

Таниқли хонанда ижросидаги куй-қўшиқлар тадбирга фойз бағишлади.

Феруза ТўРАЕВА.



«ҲОЛИНГИЗДАН ХАБАР ОЛГАНИ КЕЛДИК...»

Қибрай тумани "Наврўз" маҳалласида "Жамоатчилик назорати бўйича амалга оширилаётган ишлар тажрибаси" мавзусида семинар бўлиб ўтди.

Ибрат

Унда вилоят ҳокимининг ўринбосари, хотин-қизлар кўмитаси раиси Сайёра Файзиева қатнашди. Вилоят ҳокимининг шу йил 24 апрелдаги "Маҳаллалар ва оилаларда маънавий муҳитни соғломлаштириш бўйича жамоатчилик назоратини кучайтириш тўғрисида"ги фармойиши асосида жойларда жамоатчилик гуруҳлари ташкил этилган.

Семинарда вилоят халқ таълими, ўрта махсус, касб-хунар таълими бош-

қармалари, "Маҳалла" хайрия жамоат фонди бўлими, жамоатчилик гуруҳлари вакиллари ҳамда маҳалла фаоллари қатнашди.

— Худудимизда 444 та хонадон, 568 та оила ҳамда 3 мингга яқин аҳоли яшайди, — деди "Наврўз" маҳалласи маслаҳатчиси Дилором Устаазизова. — Жамоатчилик гуруҳи вакиллари ва аҳоли иштирокида учрашувлар ташкил этилаётган, хонадонларга бирма-бир кириб, уларнинг муаммосини ўрганиб,

ҳар томонлама амалий ҳўмак кўрсатаёلمиз.

Семинар давомида 5 та хонадоннинг ижтимоий ахволи ўрганилганда "Ибн Сино" кўчасида яшовчи 68 ёшли Матлуба Дадабоева юрак етишмовчилиги ташхиси билан тўшака михлангани маълум бўлди. Бемор анчадан буён ногиронлик аравачасига муҳтожлиги аниқланди. Шу кун Матлуба опага аравача топширилди. Опанинг қувончини бир кўрсангиз эди...

Халқ қорига яраётган мана шундай масъул ташкилотлар ва ҳомийларимиз кўпаяверсин!

Хурият МўМИНОВА.
Мансур ХИММАТОВ
олган сурат.

БИЛИМГА ТАЯНГАН МУРОДИГА ЕТАДИ

Юртимизда абитуриентларга янада қулайлик яратиш мақсадида олий таълим йўналишида янгиликлар жорий қилинган

нани ҳам алоҳида таъкидлаш лозим. Унга кўра, ўтган йиллардан фарқли ўларок, бу йил ҳужжат қабул қилиш, беш кун олдин — 15 июндан бошланди ва роппа-роса бир ой давом этади.

Яна бир эътиборга молик жиҳат шуки, Ўзбекистон Республикаси Қуролли Кучларида муддатли ҳарбий хизматни ўтаб олий таълим муассасаларига киришда имтиёзга эга бўлиб қайтган абитуриентларга

◀◀ Бошланиш 1-бетда.

давлат тест синовларида жамғарган баллининг 50 фоизи қўшиб берилган.

Тошкент Давлат аграр университети таълим йўналишлари қаторига бу йилдан эътиборан зоотехния — балиқчилик ҳам киритилди. Мамлакатимиз иқтисодиётида янги соҳа бўлишига қарамай, жадвал ривожланаётган балиқчиликка қизиқаётганлар ҳам кўпчилигини ташкил қилмоқда.

— Мен янги очилган балиқчилик факультетига ҳужжат топширдим, — дейди Хосият Мардаева. — Президентимиз Шавкат Мирзиёев томонидан тадбиркорлик ва кичик

бизнесни қўллаб-қувватлашга катта эътибор қаратилмоқда. Мен ҳам балиқчилик соҳасини пухта ўрганиб, ўз ҳўжаллигимни ташкил қилиш ва бизнесимга эга бўлишни режалаштирганман. Албатта, ўқишга кириб, ўз мақсадларимни амалга оширишга интиламан.

Тошкент Давлат аграр университетида 2017-2018 ўқув йилида бакалавр йўналишига 1 минг 495 нафар ва магистратурага 125 нафар йигит-қиз қабул қилинади.

Зоҳир ТОШХўЖАЕВ,
"Тошкент ҳақиқати"
муҳбири.

Реклама ва эълонлар

Тошкент вилояти "Уй-жой ва коммунал соҳаларда ислохотларни амалга ошириш департаменти" ўз иш фаолиятини тугатганлигини маълум қилади.

Фўқаро Джумаев Хамза Хаятович номига расмийлаштирилган, Тошкент шаҳри, Чилонзор тумани, 3-мавзе, 15-уй, 43-хонадонга тегишли "Кўчмас мулк объектнинг кадастр иши" йиғма жилди ва "Бинолар ва ишоотларга бўлган ҳуқуқнинг Давлат рўйхатидан ўтказилганлиги тўғрисида гувоҳнома" йўқолганлиги сабабли бекор қилинади.

Тошкент вилояти ҳокимлигининг йўловчи транспортининг барча турлари ҳаракатини лицензиялаш ва мувофиқлаштириш департаменти, Шаҳар, шаҳар атрофи ва шаҳарлараро (вилоят ичида) йўналишларда йўловчилар ташишни ташкил этиш

